

國民

平壩縣志

國民

平壩縣志

民國·江鍾岷

修

陳廷棻

陳楷

纂

民國二十一年貴陽文通書局鉛印本
釐爲十六卷 六冊

國民

平壩縣志

民國·江鍾岷 修 陳廷棻 陳楷 纂
民國二十一年貴陽文通書局鉛印本
釐爲十六卷 六冊

冊數	卷首	冊數	冊數
第壹冊	卷首	第陸冊	交通志
第貳冊	志乘志	第柒冊	肥田志
第參冊	地理志	第捌冊	經費志
第肆冊	民生志	第玖冊	業產志
第伍冊	官治志	第拾冊	人物志
第陸冊	自治志	第拾壹冊	藝文志
第柒冊	教育志	第拾貳冊	雜志
第捌冊	武備志		

【總計】 陸厚冊 壹拾陸類 陸叁壹頁

(成完訂裝印代局書通文陽貴月二十年一十二國民)

平壩縣志

第一冊目錄

卷首	序跋	編輯大意	修志職員表	補助印刷費捐款	志乘志	舊志稿	舊志成書	新志續修	新志付印
【卷首】	一頁	二五頁	五一頁	五九頁	一頁	一頁	五頁	一八頁	二二頁

第二冊目錄

地理志	建置之部	天然之部	區劃之部	使用收益之部	無收益之部	天度氣候之部	附清代
【地理志】	一頁	五頁	四一頁	五七頁	六九頁	六九頁	七二頁

【民生志】

第三冊目錄

人口	一頁
言語	四九頁
生活	七〇頁
羣衆組織及交際	一一五頁
歲時伏臘	一三九頁
婚喪	一四八頁
官廳之設立	一頁
官廳所在之建築物	六頁
官廳內部概況	一四頁

官廳政務大畧	一九頁
官廳典禮大畧	二三頁
歷任官員	二八頁
名宦紀傳	五四頁
土司	六九頁

自治之預備	一頁
自治之成立	二頁
自治之沈寂	一二頁
自治之轉機	一三頁
學宮教育	一頁

【武備志】

書院教育	九頁
學校教育	一四頁
教育之改進	一八頁
教育機關及法團	二二頁
社會教育	二六頁
文化事業及補助	四八頁
屯衛	一頁
土兵	三頁
哨兵	五頁

【交通志】

綠營	四頁
民壯	六頁
團防	七頁
警察	九頁
財軍	九頁
保安隊	九頁
公安局	一〇頁
司法隊	一一頁
關防	一二頁
驛遞	一頁
信局及專丁	五頁

第四冊目錄

郵電	六頁
路政	七頁
輪運	八頁
行臺旅店	九頁
祀典	一頁
祀孔	二頁
各廟祭祀	一六頁
各壇祭祀	二三頁
行香及祈禱	二九頁

【祀禱志】

法定以外之祀禱	三一頁
各壇所在	三六頁
各廟所在	三八頁
地丁及田賦	一頁
雜稅	三三頁
祀田租穀	三三頁
學田租穀	四二頁
伏馬客田等租	六一頁
屠捐斗息各款	六八頁
備荒卹食	七一頁
結論	八四頁

第五冊目錄

省款縣款概況表	八六頁
縣款收支概況表	九〇頁
附錄	一〇一頁
農業	一頁
牧畜及狩獵	五頁
工業	七頁
礦業	一〇頁
商業	一二頁
水利業	一九頁

【產業志】

實業以外之業	二〇頁
關於各業之法律	二二頁
動物產品	二三頁
植物產品	二六頁
工業產品	三一頁
商業物品	三六頁
非固定工作之產品	四三頁
經濟上之物品	四四頁
人物志	一頁
五賢題名	一頁
文武聖人題名	二八頁
文武進士題名	四二頁

特種考試題名	四七頁
選舉題名	四九頁
學校畢業題名	五三頁
男女耆壽題名	六〇頁
德行紀事	六九頁
政事紀事	七八頁
武功紀事	八四頁
忠義紀事	八五頁
藝術紀事 以上男系	九四頁
賢明紀事	九七頁
節烈紀事	九九頁
貞孝紀事	一二四頁

第六冊目錄

藝術紀事 以上女系	一二五頁
佛系紀事	一二九頁
道系紀事	一三〇頁
城鄉坊表表	一三一頁
名人墳墓表	一三五頁
藝文志	
整部著述表	一頁
論說	一三頁
序跋	一八頁
雜記	二八頁

公文	六八頁
五言古詩	七八頁
七言古詩	八七頁
五言律詩	九三頁
七言律詩	九八頁
五言絕句	一〇八頁
七言絕句	一一一頁
〔事變志〕	
兵事	一頁
會匪	一五頁
災異	一八頁
疾疫	二二頁

〔雜稽志〕

瑞	二二頁
賜給獨免	二三頁
地基	一頁
建築物	四頁
古物	六頁
嘉話	七頁
神話	一三頁
補遺	一五頁
訂正	一五頁
一、關於排列實多欠妥知人知事即生志之	
二、關於文志中作品亦與人物志中各條之	
三、關於文志中以後之附錄等項或	
四、關於文志中以後之附錄等項或	
五、關於文志中以後之附錄等項或	

卷首

卷首目錄

第一 序跋類	
甲 序一	
乙 序二	
丙 序三	
丁 序四	
戊 序五	
己 後序一	
庚 後序二	
第二 編輯大意	
甲 關於範圍者	
乙 關於性質者	
丙 關於形式者	

第三 修輯志乘職員表	
第四 補助印刷捐款表	

序文

必如鄭子尹莫子偁兩先生而後秉修志之筆必如兩先生所修之
遵義府志而後成書而示人則有志之縣將無幾遵義府志亦將戛
然止於兩先生之世而難乎爲繼此事理之必不然者也予以謂志
也者疏一縣之山川道里關津險塞田賦戶口村落邑聚及循良賢
俊孝義貞節之傳紀洎賢士大夫之著述以備有事之稽考以存一
邑之文獻其職責如是而已事異乎著書立說第能剪裁適當敘述
詳明使人一展卷而得其首尾卽爲良志固甚淺近而易就若鄭莫
兩先生之所爲所謂成一家之言藏名山而傳通都大邑者豈隨地
而有盡人而可爲耶雖然遵義之志亦非如兩先生平生其他著述

精心絕詣專門之學爲實絕不可幾及也誠使世之主持斯事者慎
擇秉筆之人不第以虛名相取重秉筆者亦不畏難而趨易屏棄一
切身臨其地自發凡起例以至探訪纂輯迄於成書皆負其責罔有
間斷參考之書徵集唯備四壁羅列取攜無弗便動懇如此雖疆域
之廣不及遵義開闢之早不及遵義其爲志也固亦足呈瓊璋之觀
步兩先生之後塵矣平場縣志之成邑中諸君子听夕勤勞之力爲
多予則所謂畏難而趨易者也將付印因書所見弁首以待後之修
志者覽焉二十一年四月陳廷棻

序文

晉之乘楚之檣杌魯之春秋一也一者何也類皆今日之地方志也
乘與檣杌不傳春秋一書上起王朝下及鄰邦初不限於東魯範圍
不亦泛乎二百四十二年間有待左氏於經前起傳者於無經處補
傳者經文不亦闕乎宜王荆公有斷爛之譏也詎知有此上起王朝
下及鄰邦之泛濫旁見側出之史料始得附帶而傳有此似有似無
之殘闕片片段段之史料始得奇零而傳蓋當時雕刻未行書由口
授東遷以後中原弗寧文獻無徵不止宋杞天縱多能豈甘坐視正
惟此不鄙泛濫不棄殘闕春秋之所以寶貴宜聖之所以時中也荆
公不顧立場求全責備適暴露其狹隘剛愎耳岷歲居家輒以此

解譬修輯我綏陽志者聞者頗踴躍其說十四年承乏平場索閱志乘
歷數旬而得鈔寫者一部問原本則成於道光初年閩清劉侯仲矩
板已被燬此鈔本亦不絕如縷顧自民元以後插花之劃丁糧之撥
咸同間神苗之變百年來之風俗習慣鄉賢節烈藝文物產官治自
治諸端卽劉志原板無恙恐亦未能供今日之覽觀也撫卷太息者
久之維時軍需孔亟日夜追呼糧餉伏役率取盈於地方團防局而
任總理者爲梅君少先君幹練純潔支應一切不誤公不擾民地方
差幸無事彼此過從日密遂乃商榷續修縣志岷擔任經費由行政
處分罰款項下籌措君擔任修輯人材推薦釋蘇陳先生充總纂紹
書陳先生充局長皆人望也殊釋蘇先生以道遠未能稅駕紹書先

生亦莫就謂前相侯龍章曾一度續修彼時耆舊正多且不能成今日談何容易岷曰相侯因無決心無毅力地方人士又務懸一完美之鵠宜其難成也再持此態度恐後之視今更弗及今之視昔矣今試即可能者而從事之縱泛焉闕焉有春秋之例在縱旁觀者諒訕要不過荆公眼光而已慈惠再四紹書先生始於十月勉力開局廣告城鄉徵集材料遴派調查搜羅採訪初步稿竣即送省門斧政於釋蘇先生次年四月岷卸篆去雖不能坐待然其告功可以日計也今年春父老書來果云頻年得賢令尹鑑山李公遵義劉公暨釋蘇紹書諸先生努力稿已蕪事行將付印命作序文一首意殆似岷既提倡於前例得廁名於後歟嗟夫昔年濫竽早已赧顏奉母家居久

荒筆覲父老今日之盛意實百感而莫可報命也若論提倡本守土者應盡職責而況提倡岷者為梅君少先岷固無能以序茲編第恐平之人尚有未知創始之動機者勉將當日狀況書以歸之時在中華民國紀元二十年五月前平渠縣知事綏陽江鍾岷禹疏序

序 文

曩在省議會議席識平渠張君元塤一誠篤好學君子也十九年承乏來平交盤中見前任劉君肇基有專案五百元此款存徵收局不在縣政府指定作整理志乘經費予始知平邑志乘與我鑑山志乘正在進行中而平志得釋蘇陳先生總纂視我鑑志尤慶幸也先生當代名宿碩學鴻識一經寓目便成定本獨是此稿先生所刪潤斧削處有非更一度謄清手民莫能辨認者先生所粘簽指示處有非更一度聯綴或另加蒐羅不能彼此銜接罅隙彌縫者前任擬將再呈請嗣聞先生正膺省府高等顧問萬端諮詢未敢冒瀆其所云之整理以此故也余因憶及元塤欲以此屬之元塤至曰昔日纂稿業已參加茲未

便再度從事凡與我同時纂稿者今日皆然推辭久之余一面覓人一面終不釋元塤託其物色殊函電數次終以地僻酬薄無應者元塤始語予方脩輯族譜體例一本陳君耀眩並出耀眩序元塤所作四禮畧儀之文見示耀眩邑人與余未一面當即具聘書專价送達蓋以元塤而信耀眩也及晤耀眩請以整理方法耀眩之說曰總纂已斧政者當一一遵照其餘之粘簽指示處或不置可否處雖未明告材料然據理以推要不外兩標準苟在可能之範圍一則對已往計務使地方以前之事實由整個的有系統的集中一則對未來計務使現在敘述之事實減少與最近之將來之潮流之衝突性或所列門類更當為最近之將來留地位即繕具一編次大意余閱之拍

掌稱快知耀咳果能勝此任而更以所擬者鈔寄貴陽以示脩我志者當如是也頃整理甫三月余遽以調任去臨行局中索余作序以待余因之重有感焉夫平壤有刻成之志始於道光間劉公仲矩蓋公能文章而又久於其任也攝篆大方匆匆去來大方志成余未能與深引爲恨予固無劉公之才學職私幸得稗蘇先生耀咳陳君及當日從事志乘諸公之熱心毅力俾余得坐觀茲志之成而列姓名於其次今竟如此何余之緣慳耶耀咳勉旃以稗蘇先生卜之以吾子卜之以從事諸公卜之以平壤之境境卜之後之繼我者其能力其維持將百倍於予志不患不成尤不患不印惟予之奔走如許果何事之能澈底以竟全功乎聽鼓轉蓬志乘中焉庸此等之人置

9

喙也然既先忝官祿此亦政務之一當謹誌願求奉告方來新令尹中華民國紀元十有九年冬十月平壤縣縣長調任柯梓縣縣長山李鎮坤厚巷甫序於將行之前六日

10

序 文

民國十九年余受委攝平壤縣篆次年四月續修縣志整理完竣公餘取而細讀之知其起於十四年江任已官經五易自局長而總纂而整理提綱之紳凡三人始終皆屬陳氏成書約五十萬言支出之經費不及大洋二千取百年前知縣事循良第一福建劉公之舊志面目而一新之其文通俗易曉其體改進有差其旨則不求美備聊勝於無值茲文語體之文新舊潮流接觸之秋而談方志欲其適宜蓋不外是矣不敏如邕既幸值稿成之機復丁茲籌印之任忝於衆付剞劂理也負其責排疑沮分也倚六七年來數十前人之精力之心血而樂其成而享其名事之最易而且亟者孰逾於是庸詎知行

11

12

百里者半九十凡事至將成功時其困難益甚軍事家所謂最後五分鐘也初縣政會推選各區名宿十餘人集城南觀晉山組會審查既而譙集政府社會雙方於南郊之龍鳳山分派售數公推校印設局籌印選常委若干人合影啓行印期開始既又分組爲補遺之審查最終則爲審查籌印之聯席會議直至今茲乃獲定局憶自承乏迄今整一年矣設不幸而官方更迭或紳方稍萌不熱則爲山九仞功不虧一簣者幾何大定縣志成閱二十年都勻縣志雖成幾經蹉跌尙名芻稿即吾遼義縣志曾自謂大氣磅礴矣然自楊次典前輩續纂至今亦越十數年而工猶未竟他如某某縣志之累次設局歷多年而成斷簡零篇或竟乏片紙隻字者又不知凡幾也凡百事業

其備歷艱苦者其成就也愈覺愉快今當成就之時而回憶昔日之艱苦揮戈反日掘井及泉吾知平邑人士手此一編愛不忍釋有拳服膺而斯須勿去者矣是爲序

中華民國二十年十二月平壩縣長遼義劉邕

序文

壬申暮春仁奉省府命來守平邑適縣志編校完竣正付印刷屬仁一言以弁簡端自惟一介武夫戎馬倥傯未嘗學問誠慮言之不文不惟無以增史乘之光榮且適足以貽大雅之笑諒雖然茲不談志乘之內容而泛論志乘之關係可乎據下車訪問大抵平壩之志稿起於盧公大濟黃公亮徐公玉章成書於劉公祖憲此次提倡續修於江公鍾岷籌款印於劉公邕而盧黃徐劉江諸公皆地方官也又據下車訪問平壩人才有作黔紀閩紀者有作槎頭小志者識大識小均有其人獨不能成一縣志而必待之於外來官吏者何耶消息倚伏大可研究蓋志也者文獻之結晶也疇昔文獻無一定之集中

無一定之保存任其風流雲散時成杞宋莫徵於是史籍之蒐求卷宗之查稽不能不假借於官府秉筆之延攬意見之化除不能不假借於官府此府廩州縣志之所以十九成於官府不僅平壩一邑然也抑府州縣志稱爲地方志云云所以別乎國史玩其意味似爲地方人之純粹職責疇昔有官治而無自治官吏成爲萬能竟將此種專門事業漫焉歸納於其權限之中然作官者初不必視爲一定考成之內幸而遇盧黃徐劉江諸公故產生平壩之志彼無諸公之才學識與熱心者或全無志或雖有而亦不足觀矣天下事有所謂離之則雙美合之則兩傷者此類是也今者中央明令組織文獻委員會而自治揭櫫鴻溝昭然地方文獻有發皇託命之場分道

揚鑠饒英雄用武之地將來則雖再有如盧劉諸公其人者出邦人士尙容許其越俎代庖耶而仁適於茲貞元接續之交依然殿列名字附諸公驪尾以作最後之紀念何其幸也仁之云云非於志乘有所文飾卸責當知時代不同如盧劉諸公時實諸公與地方與志乘之大不幸今後之居盧劉諸公地位者對文獻委員會對自治諸端苟能實心實政一貫徹之則完善之志自然層出於中矣嗚呼爲邦之道仁更因茲而懷懍懍責云乎哉

中華民國二十一年春桐梓蔣希仁序於平渠縣政府

18

17

後序

平渠志乘創始於盧黃徐諸公而集大成於道光中閩清劉公祖憲公更相廉刻印數百部嘉惠士民自是歷咸同光宣至民國十四年約百餘載之事蹟原志不能該矣是年綏陽江公鍾岷率平邑適楷亦自燕趙歸公乃提倡續修縣志開局聘員而以楷董其事楷力辭弗獲乃一面張貼廣告徵集文獻一面督促各員採訪殊應徵者寥寥採訪者亦因匪警有所困難越明年辛卯初稿竣畧具端倪楷本之會萃彙聚繕寫成帙送達貴陽就正於總纂陳君於此似已之責任可謂畢矣顧一再繙閱此稿比較原志材料則未見加豐而目則未見加美劉公所殫心竭智倡辦之山靈今無一人飼育者所創造

19

20

之便民倉穀亦復莫可究竟似視舊志內容且退步矣此豈採訪者之未周歟抑應徵者之未屑歟昔在同光間聊城相公龍章攝縣篆會開局龍鳳山續修時去劉公甫五六十載家遺老尙可徵考彼時且不能成今去相公又五六十載舊志云亡更經鼎革籍冊蕩然縱採訪者人百其身十手十目而終苦於無米可炊人民生活於數千年放任政治之下視一切皆麻木無關無怪徵集之不應然則今日之膚淺掛漏名莫副實豈楷等之巧爲解嘲乎抑諺有云燕飛終見影葉落終聞聲苟有所發動斯影響必留因與果罔可遁也社會羣衆表現人前者果皆不朽之志料天然律中自有因聲見影之一日是今日茲編之膚淺掛漏名莫副實者正應徵者採訪者之虛此

中廣應以待羣衆也稿將送省爰書此義置之卷末作爲後序
中華民國十有五年冬十月修志局局長陳 楷

跋

古今方志無慮千百種然有共通之點四曰體例曰文義曰事實曰體例文義事實構成於書面之形式此四者又皆有連環性焉如同一鬼神渺冥列入正文則顯與時代衝突載入神話便助觀者逸興此體例之關係乎事實者如同兵燹亂離謂之曰逆曰賊何以免窮餉窮困之譏第描寫其狀而不加斷制讀者自然有褒貶之寓此文義之關係乎事實者苟無事實則體例文義無由附麗此事實之關係乎體例文義者體例文義事實具矣而表現於書面之秩序紀律缺之將一切皆爲之減色形式又詎可忽哉平渠縣志脫稿於民國十五年整理於民國十九年二十年三月縣政府政務會議決對

23

24

於鄉土事官推舉十區紳耆共十六人組織一會審察是會起於三月二十六日畢於四月四日此十人中實到十人或用口述或點籤觀望局中虛假接受聽漏者依而補之謬誤者依而改之同人等不敢謂經此度之審察事實即臻完善也各舉所知意見耳若夫此志之體例文義形式同人不敢未參末議蓋將就正於總纂云

按此跋與上篇

後序原列全部志末今因分編編次移置於此

審察會會員謹跋

編輯大意

〔關於範圍者〕

▲△時 本志在時間上自明初起至付印以前止凡屬此時間內之事實其在可能調查範圍內者皆應有盡有在明初以上者一則未入正式版圖一則荒遠難稽多從闕略

▲△地 本志在地面上概以管轄為主事實在可能調查範圍內者屬明清代就明清立場言不同以後插花割撥否屬現代就現代立場言不復牽連已割出之插花至新撥入之插花多就現代言

▲△人 本志在人的方面凡在可能調查範圍內者或紀羣象或載個體同一個體也其主義或取屬地或取屬人其例詳見『民生』『人物』等志中

▲△事 本志在事實上凡在可能調查範圍內者皆取其有本末可尋審有性

質可歸納有源流可條目而又皆經時較久所生之影響較大者為範圍

▲△物 本志在物品上凡在可能調查範圍內者所取標準之範圍或取產地或取發現地其例詳見『產產』『藝文』等志中

▲△全志地位 時賢謂「志當分專門志普通志專門志非有專門之才學識者不能調查材料其纂成書各種地方志似多為普通志惟此一項可當專門志」本志擬比斯義各類敘載取常識所需者為範圍

▲△全志材料 在道光以前者以舊志為取材範圍道光以後者以此大訪冊為取材範圍遇可能參照他志者又取材於他志

凡稱舊志指道光間知縣劉祖義刻本

▲△全志文義 以淺顯易解為範圍

〔關於性質者〕

▲△整個性 每類材料苟能調查皆蒐集編輯期成整個例如志官治加入官

廳之內部組織活動方面之政務及典禮志下新加入上納之科則志五貢舉人進士加入得五貢舉人進士以後之陞轉務避免時賢所論「詳片面而不同全體詳實而不問手續」之病

▲△系統性 每類材料皆依次編輯期成系統例如城垣官署乃政治上之建築物名人坊表或墳墓乃彰表人物或歸藏人物之營造物前則移入官治志後則移入人物志同一科名也應增附生因本縣有發軔之學刊入學志第五貢舉人進士則否應列入人物志同一體也城隍廟縣議院固本縣有發軔之縣議台城隍廟應列入自治系省會議員國會議員則否應列入人物志務避免時賢所論「割裂混淆」之病

▲△分析性 每類材料苟可能割別當加以分析不厭其詳例如敘城隍廟則以河流分列敘市場則以趕期分列敘山景山險則以山脈分列學宮則析為兩部一入教育志一入祀禮志

▲△社會性 方志中每職專長精考據者則勇於究往古習水道者則詳於

理河流工詩文者則修於載文藝惟輕視一般社會多不屑道致全書成畸形發展時賢譏為「與地方志之名實不符」整理本志自愧無長可聘只能於每類材料上凡有關於社會方面者隨處補入一二少見社會狀況其間頗有鄙俚瑣屑之處固由狀況本身使然而亦敘記技術之未工或觀察之未周也

▲△平民性 方志中因時代的眼光使然對於人類每多表彰特殊之個體不同羣衆之狀況甚至如誥命之翁嬪嬙之子孫純受他方波及自身有何本能而亦振筆臚列致志乘與家譜無別整理本志對於此種不致為過激主張惟另闢民生一志專門登載羣衆各項材料第深慚對羣衆無深刻認識採訪周插寫欠工力不能從心也

▲△典章性 志乘以紀載本地方事實為主凡非此地所有者不能虛構然如祀孔之樂舞等類府州縣未必皆完備而府州縣志所載者無一不完備此蓋偏重典章方面俾邑人知祀事之隆其中含有灌輸意味凡有類似此者今皆從之

▲△經濟性 凡事非財莫舉志中對於各事苟牽涉經費問題無不注意及之

更擴大舊志經費體例敘述全縣整個之公共經費至於分配各類材料務期篇頁或文字減少於未整理以前之數量而實質加增於以前之分量

〔關於形式者〕

▲▲章節 從來志乘多不講分析每章不立章節平鋪直敘蒐尋不易本志每類皆以愚妄之見從客觀上稍剖綱領分爲章節款目更於每類篇首列一目錄以便檢查

▲▲符號 節目太多各種標題如必以某節某目帶出往往過估篇幅志中每類除章用第一第二第三等特別書出外餘乃代以各種符號通節則於上用一○○爲記由節生出之款則於上用一○○○爲記低一格由款生出之目則於上下用一○○爲記低二格一過各種符號即知爲節爲款爲目而有分合聯屬上之系統每符號下再空二字即接正文庶節省篇幅而眉目亦較醒顯

▲▲列表 從來志乘多不列表縱有亦多粗疏掛漏此因時代不同無足怪者

本志概照新式表例凡可以列表之材料無不列爲一覽表以趨簡便

▲▲夾註 行文不加詳細則失之粗太求詳細則失之拙本志材料遇有無須列入正文而又不能不借之補助正文者概以雙行小字夾註隨文附入一方不傷行文之氣以方以補事實之闕

▲▲側重 從來志乘每將各種文藝上作品附入每類中或低一格列或用雙行夾註竊以爲志者紀載也此項文藝作品自有藝文一志可歸本志側重事實一切文藝作品概移入藝文內必萬不得已始偶參加一二至每類首列之小序亦一律不用

▲▲省畧 本志材料半以舊志半取訪冊如引用舊志虛稿實稿必一一註明似屬繁瑣且難爲虛稿確爲實稿已困難各別清出放此等處十九省畧第以舊志二字該之如引他書則必指出凡在舊志以前者即多出自舊志

▲▲排字 本志材料有甲類已載而又見之於乙類者則乙類從畧第於其下註明參看某類

題及正文用又較小者雙行夾註用更又較小者至志名每類名則橫排於每頁之頂類名列志名之左或頁數名用亞拉伯字橫列於每頁邊際之中

正文或夾註過文義不相屬時或同行或另行均空二格

▲▲分類 本志原分十五類因開志乘一種容納歷次序例修輯氏名等類另序例氏名於是共成十六類

▲▲裝訂 本志共分六冊裝訂每冊載一類或二類三類另製一簡明總表印於每冊面後後半頁以便檢查

〔關於各類者〕

▲▲志乘志 分四系統編輯曰「舊志稿」曰「舊志成書」曰「新志續修」曰「新志付印」

志中各門類譬如舟車所載之貨物志體本身譬如載貨物之舟車編輯志體譬如社會上供求中間之介紹人此種介紹人對貨物固當儘量介紹對舟車亦應儘量介紹

何則社會需要不僅舟車中之貨物舟車亦一種貨物亦一同需要也從來方志多以詳本志之所以成書詳前次之所以成書志者又在例外是昧於志身之沿革與志中各門類之沿革同一重要也本志之輯不過補充前人所畧之範圍並非標新領異

方志有將舊志之序跋附列於新志之末者蓋已知此等序跋之重要特其動機僅在保存藝文故範圍只及序跋本志更擴大之及於例言修纂氏名經費狀況以及諸有關係之動作者亦援附列序跋之陳例不過取整個性系統性耳

此種載貨物之舟車與各種貨物關係最密切而爲運載貨物之先決問題故以之列於各志之首與「卷首」之舟車相銜接

以後每續修一次即將本志之新歷史列「卷首」移舊卷首者入本志

逐次遞相介紹則每次造舟車之工師有比較有棄取而舟車於是進步矣介紹已往希望方來社會人類應盡之責任無往不來不惟此也

▲▲地理志 分七系統編輯曰「地圖」曰「建置之部」曰「天然之部」曰「風

劃之部」曰「使用收益之部」曰「無收益之部」曰「天度氣候之部」

平邑正式隸入國家版圖經過「明」「清」「現代」三時期地圖應繪此三種沿革圖惟邑中太缺乏此項人材暫從畧僅載現代圖舊志之名勝圖亦從畧完善美備有待於後之續修君子

從來方志對於建置沿革多徵引考證竊意凡關係吾黔者州州梁州趙國象郡夜郎牂牁牂牁等傳雅宏識辯紛紛千年懸案莫能確定殆所謂皮之不存毛將焉附且省志府志版圖較大向可如此著筆百里縣邑彈丸黑子今日且地廣人稀如此益前益屬不毛恐相當時之人而質之亦鮮悉其狀況此其難一也整理時參考無稽時間上又受限制此其難二也茲於此節只遵照續修新貴州通志稿略事摭拾備數而已凡通志稿所依據所徵引之書概從省志去以省志不久印出可於後稽察此利歷史也

從來地理志多侈談八景全縣有八景附郭有八景一山一水亦有八景竊意風景構成絕非印板何以不多不少如是巧合茲從省畧舊志之「天馬西來」等第各隨山水

風景附註於下

舊志疆域交界紀載甚詳惜其標準多憑村寨實則地方昆連尚有山原河流且皆係屈曲爲郭非用圖表決不能與之配合茲只記大畧附閱地圖參考

舊志之古蹟邱墓係附看地面之物而非地茲移入他志

凡在地理上只占圖劃之類如邱墓地面如城郭村莊之類而實非純粹之地者方志多圖圖敘入地理茲皆一一分別之

舊志之天文文中不談分野已較他志進步惟敘入災祥更因災祥敘入開聖汗職則又不妥茲皆取系統性移入他志第保留其中氣候一節擴大之而名之曰天度氣候之部

▲▲民生志 分八系統編輯曰「人口」曰「言語」曰「生活」曰「羣衆組織及交際」曰「歲時伏臘」曰「婚喪」

舊志之戶口職食貨志中民風苗俗職風土志中茲取系統性皆併而爲一

舊志只畧載婚喪而不敘生活更不敘羣衆組織茲皆取個性擴大之以成社會整個狀態

從來方志對於生活及羣衆交際組織而不談者意殆以爲此乃縣縣所同也非茲地所獨有也且又鄙俚瑣事也固也然舍此等共通境況而不載不足以表現整個民生也民生爲極重大之問題安能目爲鄙俚瑣事也如必以特殊者爲標準如祭祀如學宮如獨郵等各行省皆同志乘又何以千手雷同津津樂道耶總之修地方志當自地方立場言當紀述地方之整個事實並且「賢者識其大者不賢者識其小者」古有明訓本志竊取不賢識小之義以爲愈小愈與社會實狀況相合方有求小未能之愧

風俗習慣無一不由生活中表現生活可以吸收之而俗習不能概括生活方志每以搜奇志異的動機或諷刺諷諷的態度對此故用風土之名本志在取材上動機上態度上完全相反命名之不用風土者此也

「苗」「仲」「狛」「狛」「狛」民族中如龍家已隨插花劃出則取屬地主義不復再贅

餘之各民族有逐漸蕃做漢人而蛻變者有不復承認而諱飾者苟必爲精密之敘載一則調查困難一則恐傷情感戶口調查對中原職明某書有何族若茲僅就所知之範圍內紀述之在社會不願呈此裂痕在志中不願生此鴻溝也狛狛狛字體亦改爲「仲」

「革老」云

此志係整理時編輯全無原本參照所費工作較難「民生」之名用古人國計民生之義幸勿疑爲含有任何投機作用此種事業原無何機之可投也

▲▲官治志 分八系統編輯曰「官廳之設立」曰「官廳所在之建築物」曰「官廳之內部組織」曰「官廳政務大畧」曰「官廳典禮大畧」曰「官員姓名」曰「名官紀傳」曰「土司」

舊志只載官廳之實體方面故釋秩官志茲取整個性加入活動方面之政務典禮故名官治志

舊志對於明代世襲之衛職等有登入人物志中者意殆以爲此等職官係土著人